



PROGRAMAS

4 PROGRAMAS

Programa de ACOLLEMENTO FAMILIAR a persoas con discapacidade

CONCEPTO:

Axudas económicas para persoas con discapacidade que desexen integrarse no programa de Acollemento Familiar.

A finalidade deste programa é procurar o mantemento da persoa con discapacidade no seu medio social habitual facilitando a súa integración e evitando o internamento en institucións cando este non sexa axeitado ou desexado.

REQUISITOS SOLICITANTE:

- Nacionalidade española ou cidadanía dalgún dos estados membro da Unión Europea, co padrón e residencia efectiva en calquera dos concellos da Comunidade Autónoma de Galicia.

- Non ter relación de parentesco en liña recta en ningún grao ou en liña colateral por consanguinidade ata o terceiro grao con ningún membro da familia acollidora.

*No caso de que a persoa acollida sexa dependente, poderá formalizarse o

acollemento en liña recta por afinidade, salvo que na unidade de acollida existan outros familiares da persoa acollida en liña recta consanguínea que sexan maiores de idade e estean obrigados legalmente a prestarlles alimentos.

- Ser maior de idade.

- Ter un grao de discapacidade recoñecido igual ou superior ao 65%.

REQUISITOS FAMILIA ACOLLEDORA:

- Nacionalidade española ou cidadanía dalgún dos estados membro da Unión Europea, ter o padrón e residencia efectiva en calquera dos concellos da Comunidade Autónoma de Galicia.

- Que polo menos un dos acolletores sexa maior de idade e non supere os 65 anos no momento de formular a solicitude, goce de boa saúde e non padeza de limitacións físicas ou mentais que lle impidan atender as tarefas domésticas normais.

- Ausencia de ánimo de lucro no que respecta ao programa de acollemento.

- Cada familia non poderá acoller a máis de dous beneficiarios/as.

- Non poderá existir con anterioridade ao acollemento testamento ou transmisións de bens ou dereitos a título gratuito.

- Non ter a condición de titor/a legal da persoa acollida.

REQUISITOS VIVENDA:

O acollemento poderá levarse a cabo tanto na

vivenda da persoa acollidora como da acollida. Nos dous casos, tanto a persoa acollidora como a acollida deberán convivir na mesma vivenda, que ten que ser:

- De fácil acceso.

- Estar dotada de suficientes condicións hixiénicas e de salubridade.

- Carecer de barreiras que impidan o acceso e normal desenvolvemento da vida diaria da persoa acollida de acordo coas súas características persoais.

NORMATIVA DE REFERENCIA:

Decreto 318/2003, do 26 de xuño, polo que se regula o programa de acollemento familiar para persoas maiores e persoas con discapacidade (DOG nº 145 do 29 de xullo de 2003).

Orde do 8 de xaneiro do 2004, pola que se convocan axudas económicas para o acollemento familiar de persoas maiores e persoas con discapacidade (DOG nº 15 do 23 de xaneiro de 2004).

Contía (máximo subvencionable)

	Acollemento na vivenda da persoa acollidora	Acollemento na vivenda da persoa acollida (40% menos)
Grao de discapacidade igual ou superior ao 65%, que non lles impidan realizar as actividades de vida diaria.	421 €/mes	252,60 €/mes
Grao de discapacidade igual ou superior ao 75% con necesidade de axuda de 3ª persoa.	700 €/mes	420 €/mes

A contía máxima mensual subvencionable será a diferenza resultante entre os importes máximos establecidos e a achega da persoa beneficiaria (60% dos seus ingresos mensuais líquidos, excluídas as pagas extraordinarias das pensións).

Programa de RESPIRO FAMILIAR

PARA COIDADORAS DE PERSOAS EN SITUACIÓN DE DEPENDENCIA:

Poderán ser beneficiarias da subvención aquelas persoas coidadoras habituais non profesionais que atendan de forma continuada a unha ou máis persoas dependentes ou con discapacidade ou en situación de necesidade de terceiros para as actividades da vida diaria, acreditada mediante informe médico e social.

1. Para que a persoa coidadora sexa beneficiaria da subvención é necesario que concorran os seguintes requisitos:

- Que a persoa coidadora solicitante da subvención ou a persoa ou persoas que vaia atender sexan residentes na Comunidade Autónoma de Galicia.
- Que a persoa que se vai atender se encontre nalgunha das seguintes situacións:
 - Discapacidade física, psíquica ou mental con necesidade de axuda de terceiras persoas para as actividades da vida diaria, e ter recoñecida polo organismo competente unha discapacidade en grao igual ou superior ao 75 %.
 - Ter recoñecida a situación de dependencia polo organismo competente no grao II ou III.
 - Que a persoa que se vai atender, no caso

de non encontrarse nas situacións enumeradas nos ordinais anteriores, presente unha situación de necesidade de terceiros para as actividades da vida diaria, acreditada mediante informe médico e social.

2. Ademais, as persoas coidadoras, para seren beneficiarias da subvención, teñen que cumprir os requisitos establecidos no artigo 10 da Lei 9/2007, do 13 de xuño, de subvencións de Galicia.

PARA FAMILIAS DE PERSOAS CON DISCAPACIDADE INTELECTUAL:

É un servizo que ofrece FADEMGA Plena Inclusión Galicia dirixido aos familiares-coidadores a través do cal se ocupan temporalmente da atención da persoa con discapacidade.

Actualmente existen 3 modalidades:

- Estancias longas, medias ou de fin de semana en quendas programadas. Existen varias quendas ao longo do ano e realízanse en instalacións comunitarias.
- Estancias sen aloxamento. Esta modalidade ofrécena cando a Federación organiza unha actividade dirixida ás familias. A atención préstase durante as horas que dura a actividade (por exemplo durante os encontros ou xornadas de familias).
- Apoios puntuais (canguraxe). A atención realízase no domicilio familiar ou no hospital.

ORGANISMOS DE REFERENCIA:

Xefaturas Territoriais da Consellería de Política Social e Xuventude da provincia.

FADEMGA: 981519650

(<https://fademga.plenainclusiongalicia.org/gl/>).

Programa de AXUDA NO FOGAR

CONCEPTO:

O servizo de axuda no fogar presta un conxunto de atencións ás persoas no seu domicilio, dende unha perspectiva integral e normalizadora, naquelas situacións nas que teñan limitada a súa autonomía persoal ou nos casos de desestruturación familiar; facilitando así o seu desenvolvemento e a permanencia no seu medio habitual. Son obxectivos do SAF:

- Mellorar a calidade de vida das persoas usuarias.
- Posibilitar a permanencia das persoas na súa contorna de convivencia habitual.
- Favorecer e potenciar a autonomía persoal no propio domicilio.
- Manter, mellorar e recuperar as redes de relación familiar e social.
- Previr situacións de dependencia ou exclusión social.
- Retardar ou evitar a institucionalización.
- Reforzar a solidariedade e potenciar o voluntariado social.

PERSOAS DESTINATARIAS:

O servizo de axuda no fogar estará aberto a todas as persoas ou unidades de convivencia para as que, de acordo coa valoración técnica correspondente, supoña un recurso idóneo de atención. De xeito particular, o servizo atenderá a persoas maiores con déficits de autonomía e a persoas con discapacidade especialmente cando carezan de apoio persoal na súa contorna inmediata, así como a fogares con menores nos que se observe necesidade dunha intervención de carácter socioeducativa. Tamén poderá dar unha resposta preventiva e socializadora a diversas situacións de familias en risco de exclusión social.

En todo caso, darase prioridade no acceso ao servizo ás persoas que teñan un dereito recoñecido de atención dentro do sistema de autonomía e atención á dependencia (SAAD). Sen prexuízo dos criterios de carácter xeral establecidos nesta orde, as ordenanzas municipais reguladoras do servizo establecerán os sistemas de acceso por libre concorrencia ao servizo de axuda no fogar, en tanto que prestación básica do sistema de servizos sociais, para situacións diferentes á contemplada no parágrafo anterior.

ORGANISMO DE REFERENCIA: Xefaturas Territoriais da Consellería de Política Social e Xuventude.

TIPOS DE ATENCIÓN DO SERVIZO DE AXUDA NO FOGAR:

► ATENCIÓN DE CARÁCTER BÁSICO:

- Atencións de carácter persoal na realización das actividades básicas da vida diaria e doutras.
- Atención das necesidades de carácter doméstico e da vivenda.
- Atencións de carácter psicosocial e educativo: intervencións técnico-profesionais formativas e de apoio ao desenvolvemento das capacidades persoais, á afectividade, á convivencia e á mellora da estrutura familiar.
- Acompañamento persoal na realización doutras actividades necesarias da vida diaria en trámites urxentes e seguimento de intervencións de sistema sanitario.

► ATENCIÓNS COMPLEMENTARIAS:

- Actividades de acompañamento, socialización, e desenvolvemento de hábitos saudables.
- Prestación de atención a distancia mediante dispositivos de teleseguimento, teleasistencia e similares.
- Adaptacións funcionais do fogar.
- Servizo de podoloxía.
- Servizo de fisioterapia.
- Terapia ocupacional.

En ningún caso poderán formar parte das actuacións desenvolvidas polo servizo:

- A realización de actividades domésticas que

non fosen incluídas no proxecto de intervención e no acordo do servizo, recollido no artigo 12 da orde do 22 de xaneiro de 2009.

- Actuacións que, polo seu carácter sanitario, deban en todo caso ser realizadas por persoal facultativo.

Programa de XANTAR NA CASA

CONCEPTO:

Servizo de comida a domicilio que pretende facilitar e garantir unha alimentación equilibrada e de calidade adaptada ás necesidades das persoas maiores e/ou en estado de dependencia, que non poden valerse por si mesmas para cubrir as súas necesidades básicas relacionadas coa compra ou elaboración de menús.

Os xantares entregaranse ás persoas beneficiarias nun único día á semana, no seu domicilio en sete bandexas diferentes co xantar para cada día da semana durante o período en que se atopen de alta no servizo.

REQUISITOS:

- Ter o padrón e residencia no concello.
- Persoas maiores de 60 anos, que teñan limitada a súa capacidade de autonomía persoal, e sen rede de apoio que puidera suplir tal situación.

- Persoas menores de 60 anos en situación de exclusión social, tecnicamente avaliada polos servizos sociais do concello.

- Persoas en situación de dependencia, que carezan de apoio familiar e requiren de axuda para a preparación de alimentos.

LUGAR E PRAZO DE SOLICITUDE:

Lugar: Servizos Sociais do Concello de referencia.

Prazo: todo o ano.

NORMATIVA DE REFERENCIA:

Orde do 22 de xaneiro de 2009, pola que se regula o servizo de axuda no fogar (DOG nº 22 do 2/02/2009). Ordenanzas reguladoras municipais do S.A.F. Decreto 99/2012, do 16 de marzo, polo que se regulan os servizos sociais comunitarios e o seu fi nanciamento, modificado polo Decreto 148/2014, do 6 de novembro.

ORGANISMO DE REFERENCIA:

Consellería de Política Social e Xuventude.

Programa de TERMALISMO SOCIAL (IMSERSO)

CONCEPTO:

Servizo complementario ás prestacións do Sistema de Seguridade Social, que ten por obxecto facilitar a asistencia que se presta nos balnearios ás persoas que a precisen por prescrición facultativa.

REQUISITOS:

1. Persoas residentes es España:

a) Ser pensionista do Sistema da Seguridade Social español polos conceptos de xubilación ou incapacidade permanente do sistema SS español.

b) Ser pensionista de viuvez con 45 ou máis anos de idade polo sistema de SS español.

c) Ser pensionista por outros conceptos ou perceptor de prestacións ou subsidios de desemprego, con 60 ou máis anos de idade do sistema de SS español.

d) Ser persoa asegurada ou beneficiaria do sistema da SS español, con 65 ou máis anos de idade.

2. As persoas usuarias de praza deben reunir os seguintes requisitos:

a) Poder valerse por si para realizar as actividades básicas da vida diaria (ABVD).

b) Necesitar os tratamentos termais solicitados e carecer de contraindicación médica para a recepción dos mesmos.

c) Acadar, de conformidade coa baremación establecida, a puntuación que lle permita acceder a un dos balnearios e quendas solicitadas.

3. Igualmente, poderán participar nos programas as persoas de nacionalidade española que residan no estranxeiro, sempre que perciban unha pensión do Sistema de Seguridade Social español e contén coa idade esixida no punto primeiro, ou sexan persoas aseguradas ou beneficiarias do Sistema da Seguridade Social español, con idade igual ou superior a 65 anos, de acordo co previsto no artigo 3.1.d)) e, en todos os supostos, reúnan o resto dos requisitos esixidos no punto 3.2.

4. Tamén poderán ser persoas adxudicatarias das prazas, como acompañante, o cónxuxe ou, no seu caso, a parella de feito ou persoa coa que se constitúe unha unión estable e de convivencia con análoga relación de afectividade á conxugal, sen necesidade de que estes reúnan algún dos requisitos esixidos no punto 3.1. e, en todo caso, cumprindo os requisitos previstos no punto 3.2.a)

Tamén poderán ser persoas adxudicatarias de praza, os/as fillos/as con discapacidade, en grao igual ou superior ao 45 por cento, sempre que a quenda sexa a mesma dos seus pais e se aloxen na mesma habitación.

5. Os requisitos establecidos no punto 3.2. acreditaranse ao Imserso na propia solicitude mediante declaración responsable da persoa solicitante.

6. En todo caso, a concesión de prazas por parte do Imserso estará condicionada á dispoñibilidade das mesmas nos establecementos termais.

Información: web IMSERSO e Teléfono: 912667713 tempada 2024.

NORMATIVA DE REFERENCIA:

Orde SSI/1688/2015, de 30 de xullo, pola que

se regula o Programa de Termalismo do Instituto de Maiores e Servizos Sociais.

Resolución de 27 de novembro de 2023, do Instituto de Maiores e Servizos Sociais, pola que se convocan prazas para pensionistas que desexen participar no Programa de Termalismo.

ORGANISMO DE REFERENCIA: IMSERSO Programa de lecer da Xunta de Galicia: CAMPAMENTOS DE VERÁN específicos para persoas con discapacidade

REQUISITOS:

- Ter recoñecida unha discapacidade igual ou superior ao 33% e unha idade comprendida entre os 11 e os 50 anos. É preciso ter cumprida a idade mínima ao inicio da quenda e non superar a idade máxima á súa finalización.
- Estar empadroad/a nalgún concello de Galicia.
- Non presentar trastornos que poidan alterar a convivencia durante o transcurso da actividade.
- Ter unha capacidade mínima de comunicación e de participación nas actividades que se van desenvolver.
- Ter unha mobilidade acorde coas características da instalación que se solicita.
- Non padecer enfermidade transmisible con risco de contaxio.

Teléfono Social gratuito para información xeral: 900 333 666. Información sobre a xestión dos campamentos, envío de documentación, valoración de solicitudes e concesión de prazas:

Tlf: 981 547 399 / 981 544 640 / 900 333 666

Email: programas.discapacidade@xunta.gal

Web:

<https://politicassocial.xunta.gal/es/recursos/planes-y-programas/>

Entidades con programas de lecer



www.cocemfe.es / 914 13 80 01 / turismoinclusivo@cocemfe.es

Programa de vacacións IMSERSO - COCEMFE dirixido a:

- Persoas que acrediten un grao de discapacidade física ou orgánica igual ou superior ao 33%, tendo prioridade aquelas persoas con discapacidade que superen o 50% e menos recursos económicos.
- Ser maior de 16 anos. Autorización do pai, nai ou titor no caso de menores.
- Poden asistir con carácter excepcional os/as fillos/as das persoas beneficiarias menores de 16 anos, sempre que se xustifique a imposibilidade de poder viaxar sen a súa compañía.
- A persoa acompañante (persoa sen discapacidade) participará acompañando á persoa con discapacidade beneficiaria.

< FUNDACIÓN MARÍA JOSÉ JOVE >

www.fundacionmariajosejove.org / 981 160 265
info@fundacionmariajosejove.org

Programa ESFUERZA verán e inverno:

Promove a actividade física saudable entre as persoas con discapacidade, ofertando actividades no medio natural (vela inclusiva, piragüismo inclusivo, senderismo inclusivo, pesca viva, acondicionamento físico e axuda na praia).

Este programa ofrece a posibilidade da práctica continuada da actividade física e favorece o desenvolvemento da autonomía persoal. Conta cunha edición de inverno e outra de verán, cunha oferta de actividades adaptada á estación.

Colección de arte accesible:

A Fundación conta con obras adaptadas á técnica Didu (textura e relieve), entre outros programas de arte adaptados

Outros programas con colectivos

específicos: ademais conta con outros programas ao longo do ano, como os obradoiros artísticos inclusivos ou ioga en familia

<https://www.fundacionmariajosejove.org/secciones/programas-fundacion/>

< COGAMI >

www.cogami.gal / 981 574 698

Proxecto GAVEA: Pretende achegar actividades náutico deportivas ás persoas con discapacidade a través de bautismos de mar a bordo do veleiro Laion e escolas de vela lixeira adaptadas ás persoas con discapacidade (tempada estival).

Mediante estas actividades trátase de derribar as barreiras que impiden que as persoas con discapacidade poidan participar máis activamente en actividades náuticas.



◀ **OUTRAS ENTIDADES** ▶ **DE INTERESE**

Real Club Náutico de A Coruña: ten un programa de Vela Adaptada co apoio da Fundación Emalcsa.

Tenis Marineda: escola de tenis en A Coruña cun programa adaptado para persoas con discapacidade.
www.tenismarineda.net

Federación Galega de Deporte Adaptado: Federación específica de deporte adaptado.
www.fgda.gal / info@fgda.gal

Fundacion Abrente: inclusión das persoas con discapacidade a través da práctica deportiva non competitiva.
Contan cunha oferta de campamentos inclusivos para menores, e organizan cada ano a Carreira de Obstáculos pola Inclusión dentro do Proxecto Enki
<https://www.enkiproyecto.com>
info@enkiproyecto.com
881243819 / 881 243 819

Centro Xuvenil Don Bosco: Rugby mixto inclusivo para maiores de 16 en Santiago de Compostela.
tuxeleiresrugby@gmail.com



Programa de Atención Temperá

CONCEPTO:

Intervencións dirixidas á poboación infantil de 0 a 6 anos, á súa familia e contorna, que ten por obxectivo dar resposta o antes posible ás necesidades transitorias ou permanentes que presentan os nenos e as nenas con trastornos no desenvolvemento ou en risco de padecelos, para facilitar o desenvolvemento da súa autonomía persoal e a inclusión social. Dende os servizos de atención temperá ofrecerase unha intervención biopsicosocial que favoreza a adquisición ou a recuperación de funcións e de habilidades persoais e sociais para a mellora da autonomía, da convivencia social e familiar e da inclusión social.

OBXECTO:

A Rede Galega de Atención Temperá regula a actuación integral en atención temperá dos órganos da Administración da Comunidade Autónoma de Galicia e das entidades instrumentais integrantes do sector público autonómico, delimita as competencias de cada un dos órganos e entidades no seu ámbito de actuación (sanitario, educativo e de servizos sociais), así como os mecanismos de coordinación entre eles, a través da creación dos órganos colexiados da Rede, e a definición do catálogo de servizos específicos de apoio en atención temperá.

PERSOAS DESTINATARIAS:

Nenas e nenos de 0 a 6 anos con trastornos no desenvolvemento ou en situacións de risco de padecelos, residentes na Comunidade Autónoma de Galicia, así como as súas familias e contorna.

A atención estenderase ata a data da finalización do curso escolar cando o cumprimento da idade de 6 anos sexa anterior a esta.

CATÁLOGO DE SERVIZOS:

O catálogo de servizos específicos de atención temperá constitúe o conxunto de actuacións, prestacións, recursos, tratamentos, axudas e demais medios de atención dirixidas a nenas e nenos, familias e á súa contorna, para a consecución das finalidades e obxectivos establecidos no decreto, de acordo co plan personalizado de intervención, e incluírá, ao menos, as seguintes actuacións de carácter axial, que deberán prestarse dun xeito integrado a través dun dispositivo interdisciplinario.

a) De prevención, acollida, observación, valoración e diagnóstico da persoa menor e de información, orientación, asesoramento e apoio ás familias e aos recursos da contorna, en relación ao itinerario e circunstancias evolutivas das nenas e nenos de 0 a 6 anos.

b) De estimulación e apoio emocional, social, sanitario e educativo para o desenvolvemento

activo da autonomía persoal da nena ou neno e a súa inclusión familiar, escolar e social, tendo sempre en conta as súas necesidades e prioridades evolutivas.

Mantense a adscrición ao Servizo Galego de Saúde (Sergas) dos recursos destinados ás unidades de atención temperá actualmente existentes nos complexos hospitalarios.

ORGANISMO:

Consellería de Sanidade a través do Servizo Galego de Saúde.

Normativa: Decreto 183/2013, do 5 de decembro, polo que se crea a Rede Galega de atención temperá.

Programa de Atención Odontolóxica

CONCEPTO:

Dirixido a pacientes que presenten discapacidade intelectual e/ou discapacidade física importante (tetraplexias, parálise cerebral, etc). As persoas susceptibles de tratamento baixo anestesia local ou sedación consciente, trataranse na Unidade de Pacientes Especiais da Facultade de Medicina e Odontoloxía.

Facultade de Medicina e Odontología da USC
Rúa Entrerriños s/n
1º Andar
15782 – Santiago de Compostela

Tel. 881 812 344
pacientes.especiales@hotmail.com

DERIVACIÓN:

O acceso a este programa realízase sempre a través dun especialista en odontoloxía de Atención Primaria. Despois da primeira consulta, e cando a intervención supere as posibilidades deste nivel, poderase derivar coa seguinte información:

-Informe odontolóxico, xustificando a necesidade da intervención na Unidade Especializada.

-Radiografía panorámica oral.

-Informe médico detallado da/o pediatra ou médica/o que habitualmente atende ás persoas.

ORGANISMO DE REFERENCIA:

Sección de Odontoloxía da Universidade de Santiago de Compostela.